

Pɔɔri wàri dùi pátíri Kirisi kɔɔɛ bɛ̀ɛ bo Odommu Di mpátíri tɔ̀ tùi náàntì

Kuyie nkóo tǒntì Pɔɔri weè wàri de kó dipátíri Odommu kɔɔɛ. De kó dipátíri dùi ti náá nKuyie ndeeri mɛ̀ botí onitì, dùi ti náá mbenitibè bɛmɔu túmè meyi nyembè mbe kè Kuyie nti deeri ti tá dùi mǎnnì Yesu. De mǎnnì ndi Kuyie nhɔ́ ti cǐemmè kè Muyaánsààmù ti wènkùnnɛ. Kòò bɛ́i nho pátíri mieke ke tú tináańsààtì ò náá nti tu benitibè bɛmɔu kpeti nti. Ó í baàtì òmɔ̀.

Pɔɔri yóó pǎnté o pátíri, ké bè nàkému bè dò nkénfòu mɛ̀ botí be cuokè nè bè bo ndòmmè ketenkè yembè ìkè.

Di mpátíri náàntì duó ke dòmmè

1. Pɔɔri do dómè kékote késiéké Yesu kɔɔɛ bɛ̀ɛ bo Odommu 1:1-17
2. Benitibè bɛmɔu tú meyi yembè mbe Kuyie mborè 1:18-3:20
3. Onitì ɔ́ ntá Kirisi nwe kè Kuyie nhò wènkùnnɛ 4-5
4. Ti wǎnnénè Kirisi nwe ke ku, koò wǎnnénè ke yǎnté, deè te ke ti wenke 6-8
5. Isidayeeri be do í yiemmmè Kuyie nkpeti 9-11
6. Yesu kou kó mufòmmu nè o borime dè dòmmè kéndéúkunko Kuyie nyètiri 12:1-15:13
7. Yesu kou bo mbenkúmè o dókùmè 15:14-16:27

Mudummu

¹ Mí mPɔɔri, Yesu kóo tǎntì mǐ di wàri di mpátíri, Kuyie nkuù n yu ke n tǎáté ke n dòò ku kó dítǎnnì kè m bo náké ku náaṣààtì. ² Kù do nàké tì kpéi ku pǎānǎāntì náaṣààtì nè dimǎnnì kè bè tì wàri. ³ Tì nǎa nti Yiè nYesu kpéi nke wèè tùóté tinitikǎntì kè bè ò pèitè Dafiti kó kufuku mièke. ⁴ Kè Kuyie nhò duó mmuwērímú kè Muyaánsààmú duó nkòo yǎnté ke bènke ò tumè ku Birè. ⁵ Weè te kè Kuyie nni ndòò mèsàà kè n naá nku kó dítǎnnì ke bo yǔǎnnì ibotí imǎu kè ì nhò tá kényíe nho kpèti. ⁶ Díndi Odommu kǎbe di tú ì botí kó bèmabè kè Kuyie ndi yu.

⁷ N di dǎummu díndi, Kuyie ndó bè, ke di tǎáté, kè di bo nfòu kù dómè. Ti cice Kuyie nnè ti Yiè nYesu Kirisi bè di pǎ mèsàà nnè diwèi.

Pɔɔri dómè kékote kényà Odommu kǎbe

⁸ N sǎntí Kuyie nnè Yesu Kirisi kó diyètìrì di kpéi, nke yé nh ǎ kote kèè bíékè kè bè n náámmu di tá mèè botí Kuyie. ⁹ M báámmu Kuyie ndi kpéi nsǎà kè kù yé, kunku m pǐ nkùu tǎmmú nè n yèmmè mèmǎu ke náá nku Birè kó Tináaṣààtì. ¹⁰ M báámmu Kuyie nsǎà, ke tú kè kù dó kù m pǎ kuce kè n kǎtoo di cie. ¹¹ N do dó ke di yǎmu ké di náké Kuyie nkó yepǎrè mayè kpéi nkè dèe yie nkè di kpenke Kuyie nkó kuce mièke. ¹² Ke wète ke do dó tí mǎá kényáúkùnnè títǎbè kǎntì, ke yé timǎu ti wèmmè ketá Kuyie.

¹³ N kǎbe n dó dí nyému n do dómè kékǎtoo di cie ke di náké Kirisi kpèti kè di tì yie, kéndò n tì nàkémè ibotí tǎi kè ì tì yie. ¹⁴ N kó mutǎmmú mmu n dò nképǐ mmù bèè tú Kerekibe nè bèè í tú Kerekibe, bèè

yé yepáte nè bèè í yé yé be cuokè. ¹⁵ N dó tí tú m bo di nákéme Tináaṅsààtì dínìdì bèè bo Odommu.

Tináaṅsààtì tú Kuyie nkó muwērímú mmu

¹⁶ Ké yé ifei í m bonème m bo nákéme Tináaṅsààtì, tí tú Kuyie nkó muwērímú mmu, ké deérí bèè kó dimàà tí tá kéketénè Sifubε borè nè besomboo. ¹⁷ Kuyie nhōō wénkūnne onitì ò tá diì mōnnì ndi nè o yèmmè memou. Tì wàrimu ké tú: Wèè wetí ò bo nfòu ò tá mèè kpéí.

Benitibè báá na képeri Kuyie nyìkè

¹⁸ Kuyie mmieke cóúnní kéĩnkè benitibè caàrimè nè meyei mbè dōōri mè ké mè diítí timómmānti. ¹⁹ Dèè dò nkénte ké benitibèe banté Kuyie ndè feĩmu, Kuyie mmómmānku kuù dè mbè benke. ²⁰ Kuyie nkó mēdōmmè nè ku wērímú mùu bo sǎǎ dè í dò nna kéyà. Kǎa né wénténí kù dōōmè kutenkù dè feĩmu ké dò ntí na ké dè banté deè te kōo nìtì báá na képeri Kuyie nyìkè. ²¹ Ké yé bè kù bantémè ké yete bè bo déúkūnnemè ku yètìrì, ké kù sǎnte, ké tūnne iyēntotí detetirè kpēyi nè itookperí, ké ta dibìlñnì miēke. ²² Kè be yèmmè dò mbè cii kè bè né yei. ²³ Bè bo mbáámmè Kuyie nkùu í deu, ké bè bàá nsitenkaanì sii dōnnè benitibè nè sinōō nè tiwanwantì nè iwààke. ²⁴ Deè te ké Kuyie mbè yóu kè bè dōōri meyei mbè dómè, ké dōōri isoke kpere nè be kōntì. ²⁵ Ké yóu Kuyie nkpeti ké tū nsiyáábisi, bè bo mbáámmè Kuyie nkè bè bàá nkù dōò dè. Kuù do dò nkénsāntí sǎǎ, ké dè mme ndò.

²⁶ Deè te ké Kuyie mbè yóu kè bè dōōri isoke, ké benitipòbè yóu bè bo ndounèmmè benitidaabè ké dounè betòbè. ²⁷ Kè benitidaabè yóu bè bo ndounèmmè

benitipòbè ke dounè betòbè. Mèmmè kè Kuyie mbè yóu kè bè yàu be dòrìmè kó tiyeti.

²⁸ Bè me nyetemmè Kuyie ndè te kè kù bè yóu kè bè tũ mmeyèmmè yèime ke dòri bè do í dò nkéndòri dè. ²⁹ Bá bè í weti, ke dori, ke dó idíítí, ke yóu, ke mọke mehẽẽmmè, ke dó munitikò, ke dó yekpàrè, ke sọú mbetòbè, ke cií mbetòbè, ke dó munáantò. ³⁰ Ke náante betòbè kpéí, ke í dó Kuyie, ke sáante betòbè, ke tú sifei yembè, sipọ yembè, ke waà mmeborime pammè bè bo yĩmè kédò mèyei ke yetírí be yembè kpèti. ³¹ Bè í yé bè dòri dè, bè me nyí dòri bè nàké tì, bè í dó betòbè, bè í mọke betòbè kó mesémmè. ³² Bè yému ke dò nKuyie nkó ikuó mièke bèè dòri me kòò botí bè dò nkéta muháá mmieke. Bá nè memme kè bè sọké ke dòri mèyei, dè í tú bè dòri mèyei mmáà, bè kòmmúmu bèè mè dòri.

2

Kuyie mbeénti wennimè

¹ Fş wèè bekùnè betòbè, bè í yóó da coo, ke yé a bekùnè diì mònni betòbè a bekùnè a mää ndi. Ke yé bè dòri tì a tì dòri mè. ² Tì yému ke dò nKuyie mbo bekénè bèè dòri de kó mèyei mbotí kénnaati. ³ Fş nwèè nàa mbetòbè dòri mèè yei nke mè dòri, a yèmmè dò nha bo yenténè Kuyie nkó tibeéntàà? ⁴ Yàa a sènkèrì Kuyie nkó mesàa mme nè ku minnímè nè ku niti? Kè kù í da kpetínné bàmbà nkù mímmu ke dó a ceete. ⁵ Kàa yèmmè kpenke kàa í dó kéceete a yéútí amáà ndi Kuyie nkó tiyěíti, ku beénti bo tuọke diì yiè. Kunku kùu bekù weti weti. ⁶ Kù yóó yietí bá wè o tómmú mannè tìi yeti nti, ⁷ kéduò mmufòmmu mùu bo sáà bèè wěèrì ke

dòrri mesàà, ke dó kùu bè sãnte, ⁸ képuotí bèè yete ku kpeti nè kemieke, bèè duó mbemáà meyei nke tũ nsiyáàbìsì, ⁹ ké bè fěũ, ké bè ãnné meyeñcaàrimè, Sifube meketimè nè bèè í tú Sifube, ¹⁰ kėsãnte bèè dòrri mesàà nké bè duó ndiwèi, Sifube meketimè nè bèè í tú Sifube. ¹¹ Ke yě Kuyie nyí baàtìmè òmòu.

¹² Bèè dòrri meyei nke í yě Mòyiisi kó ikuó, bbè báá kú i kó mukũũ, kè bèè yě de kó ikuó ke dòrri meyei bè yóó i mbè bekénè. ¹³ A bo nyémè ikuó deè í tú a wenni, a dòrri dìi mòmni ndi ikuó yěmmè, Kuyie nhã da wénkunnemè. ¹⁴ Bèè í tú Sifube ke í yě Mòyiisi kó ikuó bè dòrimu ì yěmmè, bè í yě Mòyiisi kó ikuó kè ì né bo be mieke. ¹⁵ Be dòrimè benkúmu ke dò mbè yě Kuyie nkó ikuó. Be yěmmè mèè ã mbè bekùnè dimòmni marì, dìterì ké mbè kòmú. ¹⁶ Dèè sòri dè bo yènní Kuyie nyóó duó ndi yìè kè Yesu Kirisi bekénè benitibè be dòrimè ñnkè. Tináansàati n náá tì me nyě.

Sifu mómmu nyí tú wèè cãté

¹⁷ Fǒ nSifu wèè pòti a túmè Sifu ke yě Kuyie nkó ikuó ke sonku a yémè Kuyie. ¹⁸ A yému Kuyie ndó dè, ikuó dè nda benkemu kàa bo na kětãáté dèè wenni. ¹⁹ Kàa yěmmè dò nha tú tiyũnti kóo dèrì, ke mí bèè bo dibìnni. ²⁰ Ke tú amáa tiyèinti nè ibí be kóo tenti, ke tú ikuó da duó mmeýĩtímè kàa yě timómmonti. ²¹ Fǒ nwèè tiè mbetòbè ke í tiè nhamáa, ke tú bè bá nyuuku ke né yuuku. ²² Fǒ nwèè tu bá ndouti doutinè ditòbè ke dauti doutinè betòbè, ke tú yebòkè í wenni ke wète ke yè wàà nke bo kparikè. ²³ Ke déúkunko amáa a yémè ikuó, ke né

dɔɔri i yete dɛ, kɛ caɔri Kuyie nyɛti. ²⁴ Ti wàrimu kɛ tú: Díndi Sifubɛ dɛi te kɛ ibotí tɛi sãã nKuyie.

²⁵ Fɔ́ nSifu kàa dɔɔri Kuyie nkuó yɛmmɛ, mucãmmù íwenni, kàa né í dɔɔri i yɛmmɛ mucãmmù tú dɛtetirɛ ndɛ. ²⁶ Wɛɛ í tú Sifu kɛ í cãntɛ kòò yie nyikuó yɛmmɛ Kuyie nhò wùó nwɛɛ cãntɛ wɛnwɛ. ²⁷ Dɛɛ te wɛɛ í cãntɛ kòò bo da bekénɛ fɔ́ nwɛɛ tu Sifu kɛ cãntɛ, kɛ mɔkɛ ikuó kó dipátíri, kɛ í tũ nyi yɛ mmù. ²⁸ Kɛ bè da pɛitɛ kàa tu Sifu kɛ cãntɛ dɛ í sannɛ. Sifu mómumu ntú wɛɛ cɛɛtɛ wɛnwɛ. ²⁹ Dɛ tu Muyaánsààmù kó mutãmmù mmu, dɛ í tú ikuó ìi wàri dipátíri miɛkɛ. Dɛ kóo Sifu í wanti benitibɛ bo nhò sãntímɛ, ò wanti Kuyie nkuù ò sãntɛ.

3

Kuyie nwetímɛ bá kɛ ti í wetí

¹ Kàa tu Sifu dɛ bo dɔɔ ba? Mucãmmù bo da dɔɔ ba? ² Dɛ né bo dɔɔmu bakɛ, kɛ yɛ Kuyie nketɛ kɛduómmɛ Sifubɛ mbɛ ku náànti. ³ Ti bo yí ba? Kɛ Sifubɛ mabɛ í yie nKuyie mbéi ntí dɛ dó kɛ dɔ Kuyie nyí dɔɔmu kù béi ntàà? ⁴ Bitì! Bá kɛ benitibɛ bɛmɔu í wetí Kuyie mbáá yóu kù bo nwetímɛ kɛndonnɛ ti wàrimɛ kɛ tú:

Kàa nàa, nha náànti ntú timómmɔnti, kɛ bè da bekùnɛ a kpeti ínaati.

⁵ Kɛ nsà kɛ ti yɛ ti bo dɔɔ dɛ kɛ í dɛ dɔɔ, kɛ kù dɔɔ kù béi ntí, ti yí kù í wenni kù ti kpetínɛ dɛi mɔnnàà? (N náa mbenitibɛ yɛmmɛ dòmmɛ mmɛ.) ⁶ Bitì! Bitì! Kɛ Kuyie nyí wetí kù bo yímmɛ kɛbekénɛ benitibɛ.

⁷ Kɛ nsà kɛ n yáàbìsì bo nte kɛ Kuyie nkó timómmɔntii feitɛ kɛdéúkunnɛ ku yètìrì, ba nkpeí

bo nte kè kù m bekénè ténkè? ⁸ Bèè tũ nyẽ nti ndɔɔri meyei nkè mɛɛ pɛitɛ mɛsàà, bèè nàá mmɛmmɛ Kuyie mbo bè kpetínné kénnaati.

Òmòù í dɔɔri Kuyie ndómè bá omáà

⁹ Ti bo yĩ Sifubɛ pɛɛtɛ bèè í tú Sifubaa? Bitì! Tì béimmu kɛ tú Sifubɛ nè bèè í tú Sifubɛ bè tu meyei nkó tidaatì nti. ¹⁰ Tì wàrimè kɛ tú: Òmòù í bo wèè wetí, bá omáà.

¹¹ Òmòù í cìì,
òmòù í wanti Kuyie.

¹² Bɛmɔu bè yetému,
kɛ dɛténè Kuyie.

Òmòù í dɔɔri dèè wenni bá omáà.

¹³ Kè bɛ náàntì dò nkufɔti kùu feí,
kè bè soú,
tìlì yìèní bɛ nɔ kè tì tii
kɛ dò mmɛwaàdòmmè.

¹⁴ Bá bɛ nò í wenni,
kè bɛ náàntì tii.

¹⁵ Kè bè ɔ ndó mɛcãã nkɛ bo kuɔ.

¹⁶ Kè bè pɛɛtɛ kèè bíékè,
mɛyei nnè mɛyɛ̀ncààrìmè dɛè ãnné.

¹⁷ Bè í yé mɛom̀pùmè kó kucɛ.

¹⁸ Bè í dé Kuyie.

¹⁹ Ti yému kɛ dò nKuyie nkó ikuó náánnè bèè ì te bèmbɛ, kè dè bo yie nkè bè báá na képeri, kè benìtìbè bɛmɔuu banté bè túmè bɛyɛibɛ Kuyie nyìlkè. ²⁰ Òmòù báá na kédòò ikuó yém̀mè kéwenkɛ Kuyie nyìlkè, ikuó ti benkú ti tumè mmɛ benìtiyɛibɛ.

Kuyie nwénkùnkò m̀èè botí benìtìbè

²¹ Di mm̀nnì Kuyie nyí ti wénkùnkò nè ikuó miéke, ku pããnáàntì náam̀bè nè ikuó páte dè tì

béimmu. ²² Kuyie nhõõ wénkùnnε onìti ò tá dìi mǎnni ndi Yesu Kirisi. Kù mè dǎ̀rì bèè kó dimàà tá bèmbε Yesu, kù í baàti òmǎu. ²³ Benìtìbè bεmǎu yetému ke pàà Kuyie nkó tikpetì. ²⁴ Di mmǎnni Kuyie nnè ku kó mesàà nkè kù bè wénkùnnε fààrè kè Yesu Kirisi bè dεεté nè mεyεi. Dipǎnni ndi fààrè. ²⁵ Kuyie ndo mímumu nè dimǎnni, kù né me ndǎ̀rimè kù béi ntì kù báá yie nkéyóu mεyεi nyembε sǎà ke í mbè kpetínné, dεε te kè kù tǎāté ku Bìre kè bè dè kùò, ke dè bo ùté benìtìbè yεi. ²⁶ Di mmǎnni Kuyie nwénkùnkò bèè tá bèmbε Yesu ke benkú kù tímè timómmǎnti yìè.

²⁷ Kuyie nwénkùnkò òmmε botí benìtìbè? Bè dǎ̀ mǎ̀ kpéi nyikuó yǝmmàà? ǉ! Bè tá mǎ̀ kpéi nke Yesu. Kè dè dò mmεmmε onìti bo yǝmε késǎnte omàà. ²⁸ Ti yému ke dò nhonìti í dǎ̀rì Kuyie nkó ikuó kè kù ò wénkùnkò, ò tá dìi mǎnni ndi Yesu. ²⁹ Yàà Kuyie ntu Sifubε mǎà kǎku nku? ǉ! Kù tú ibotí imǎu kǎku nku. ³⁰ Kuyie mbo kumàà ndi ke wénkùnkò Sifubε nè bèè í tú Sifubε bè tá dìi mǎnni Yesu. ³¹ Ti paànkómu ikuó ti tá mǎ̀ kpéinàà? ǉ, ti pètínke ì commu i fǝtìrì ndi.

4

Kuyie nwénkùnnε mmǎ̀ botí Abarahammu

¹ Ti bo náké ònti ti yààrì Abarahammu kpéi? Kuyie ndo ò dǎ̀ ba wenwe onìti? ² Kè kù do nhò wénkùnnε o tǝmmú kpéi nke ò na mpǎ̀tumu, Kuyie mborè dè mε nné í dò mmεmmε. ³ Tì wǎrimu ke tú: Abarahammu do tá Kuyie nku kè dεè nte kè kù dò ò wetí. ⁴ Kòò nìti pǝ mmutǝmmú bè òõ nhò

yietìmu, de kó tiyeti í tú dipānnì, o tōmmú yeti nti.
⁵ Kuyie mborè dè í tú nè mutōmmú kpéí nke kù ǎ wénkùnɛmè onitì, ò tá dìi mōnnì ndi Yesu kù ǎ ò wénkùnɛmè. ⁶ Dè te Dafiti béimmè ke tú: Diwèi ǎ mbo Kuyie nwénkùnne wè bá dè í tú nè o tōmmú kpéí.

⁷ Dè náati Kuyie ncǐ mbè be yetímè, ke ũté be yei.

⁸ Dè nnaati Kuyie nténke í kaànnè bèè kó mɛyei.

⁹ De kó diwèi bo Sifube mǎa kpéí nkaà? Ǿ! Di bomu bèè í tú Sifube be kpéí mmúnke. Ti bo ke náa nke tú Kuyie nwénkùnne Abarahammu ò kù tá mēè kpéí nke. ¹⁰ Ǿmmōnnì ndi Kuyie ndo wénkùnɛmè Abarahammu? Dè do sǐ nho cǎntǎa kòò mu nyí cǎnté? Kuyie nyóó ò wénkùnne kòò mu nyí cǎnté. ¹¹ Ò mu ndo í cǎnté kéntǎmu Kuyie nkè kùu duó nkòò cǎnté kè dè benke kù ò wénkùnɛmè ò kù tá mēè kpéí. Dè te kòò tu bèè tá Kuyie mbe kóo cice. ¹² Weè wète ke tú bèè cǎmmú be kóò cice, dè né í tú bèè cǎmmú bemou, bèè tá bèmbɛ Kuyie nhò do kù tá mēè botí ke mu nyí cǎnté.

Abarahammu yiemme Kuyie mbéi nti

¹³ Kuyie ndo yē nhAbarahammu nè o yaàbí bè bo tieke kutenkù kumou, dè í tú ò do yie mmèè kpéí nku kuó, ò do tá mēè kpéí nke Kuyie. ¹⁴ Kè nsà kè bèè yie nKuyie nkuó kè bèè mǎa yóó tieke kutenkù, Kuyie mbè dounnè dìi nùù tǔ ntú detetirè nde, kè bèè kù tá kè bè kù tá detetirè. ¹⁵ Ikuó íinko Kuyie nkó kemieke nke, kè ikuó í bo a báá ò yeténè.

16 Ti tá mɛ̀ɛ kpɛ́i nKuyie ndɛ̀ɛ te kɛ̀ kù yɛ̀ nkù bo ti pã dipãnnì fãàrɛ̀, kɛ̀ dì ntú Abarahammu yaàbí imɔu kperi, dì í tú bèè yie nyikuó mǎà bɛ̀ kperi, dì tu nè tínti bèè tá Kuyie nhAbarahammu do kù tá mɛ̀ɛ botí ti kperi ndi. 17 Tì wàrimu kɛ̀ tú: N da dòò ibotí péu kóò cice. Abarahammu yĩmɛ̀ kɛ̀ naá nyibotí kóò cice? Ò do tá mɛ̀ɛ kpɛ́i nkɛ̀ Kuyie nkùù duò nkɛ̀ bɛ̀círìbè yǎnnì, kùù dènnìnkoní dèè í bo. 18 Dè í dò ndì mǎnnì wèè yie nkòò yie, mɛ̀mɛ̀ kòo naá nyibotí péu cice, kéndònnè tì wàrimè kɛ̀ tú: A yaàbí bo nsũ mɛ̀diè. 19 Abarahammu bie ndo bo ntùòkɛ̀ tekòutè (100), kòo pokù Saraa múnkɛ̀ kóté kɛ̀pɛ̀ɛ̀tè ò bo peité dè, bá nè mɛ̀mɛ̀ kòo tákùmè nfííkú. 20 Kòo yie nKuyie mbéi ntì kɛ̀ í nyĩ̀kù, ò tá mɛ̀ɛ kpɛ́i nkɛ̀ dèè ò duò mmuwɛ̀rímú kòo déúkùnnɛ Kuyie nyètìrì. 21 Kòo nyé weti weti kɛ̀ dò nKuyie mbéi ntì kù mǎkɛ̀ muwɛ̀rímú kɛ̀ bo tì dòò. 22 Nè dɛ̀ kpɛ́i nkɛ̀ Kuyie ndò: Ò wetí. 23 Dɛ̀ kó ditannùù dii tú Kuyie nhò wénté wèè wetí tì í wàri Abarahammu mǎà kpɛ́i. 24 Tì wàrinèmu ti kpɛ́i, tì tú Kuyie nyóó ti wénté bèè wetí tínti bèè tá ti Yiè nYesu, kù duò nkɛ̀ wèè yǎnté. 25 Wèè ku ti yei nkpɛ́i nkɛ̀ yǎnté kɛ̀ ti wénkùnkò.

5

Kuyie ntaunnèmè kumáà onìti

1 Kuyie nhɔ̀ ti wénkùnnɛ ti yie ndì mǎnnì ndi ku kpeti, Yesu dòò dè ti kpɛ́i ndɛ̀ɛ te nè Kuyie nkɛ̀ ti narikɛ̀. 2 Ti tá mɛ̀ɛ kpɛ́i nkɛ̀ Yesu dɛ̀ɛ te kɛ̀ Kuyie nti dòò mɛ̀sàà kɛ̀ ti na kɛ̀ kù tǎónnè. Kɛ̀ kù wɛ̀nnè kɛ̀ fòu kɛ̀ dè ti naati kɛ̀ ti baa Kuyie mbo ti duómmè ku kó

tikpeti. ³ Ti arìmu kè diwèi né ti bo ke yé meháarimè ti duòmmè mewéèrìmè. ⁴ Meminnimè mēē ò nte kè meháarimè ti tùòkení tí nwéèrì. Kè mewéèrìmè nte kè ti pété ti baa dè. ⁵ Dè kó mubàrimù ti baa mù ò ò í ntì souté ke yé Muyaánsàdmù muù ti benkú kù ti dómè.

⁶ Ti do í mōke dii mōnni muwērímú ke bo deetè timáà, kè Kirisi ku ti yei nkpeí nKuyie ntāātè dii mōnni. ⁷ We mbo yie nké kú wèè dòòri Kuyie ndómè o kpéí? Kè dè yete a sàà bo kú mesàà nyiè nkpeí nke. ⁸ Kuyie mbenkemu kù ti dómè, kè Kirisi ku ti kpéí nti tú dii mōnni benitiyeibe. ⁹ Bàmbà nho kũũ mme ntemè kè ti wenke, ba mbo nte kòò báá ti deeténè Kuyie nkó kemieke? ¹⁰ Kè Kuyie nti taunnè kumáà ku Bire kó mukũũ mmieke, ti tú dii mōnni meyei nyembè, dè bo yĩme ku Bire me nyāntémè kè kù báá ti deetè ti naá ndi mōnni ku kōbe! ¹¹ Dende kó difōnkúò, kè ti wète ke mōke diwèi ke yé nè Yesu Kirisi kó mukũũ mmieke nke nè Kuyie nti taummè.

Adammu nè Yesu be kó tináànti

¹² Nè onitì omáà borè nde meyei ntannimè kutenkù kumou, kè mukũũ mbuoté ke kòu benitibè bemou, ke yé bè yetémè. ¹³ Ikuó do í bo dii mōnni kè meyei mbomu, ikuó né í me mbomè Kuyie nyí mbè bekùnè, ke yé bè í yémè dèè tu meyei, ¹⁴ kétúóté Adammu kó dimōnni kētuakenè Mōyiisi, kè mukũũ nkòu bèè í yete Kuyie nkpeti Adammu do yete mēè botí.

Adammu do tú dibenkèrì ndi wèè kèríní o kperi. ¹⁵ Adammu yétimè í wéñnè Kuyie nkó dipānni. Mōmmu nwe onitì omáà yeté mēè kpéí nke kusũkù kōmmè. Nè onitì omáà Yesu Kirisi borè nde, Kuyie

nti pāmè mesàà nkè mè deũ. ¹⁶ Dε kó mesàà nyí wēñnè onìtì omáà yétímè, onìtì omáà yeté mèè kpéí nke benìtìbè yàtènèmè Kuyie nkè kù ti dòò mesàà nnè Yesu Kirisi kpéí. ¹⁷ Onìtì omáà yetémè kè mukũũ ntanní ke kòu benìtìbè, mèè botí nku onìtì omáà Yesu kó mesàà nképéí nke benìtìbè pèú mufòmmu, ke bo ò wēnnénè kédì tikpàtì.

¹⁸ N wētε ke náámmu ke tú onìtì omáà yeté mèè kpéí nke benìtìbè í naatinèmè Kuyie. Mèè botí nku onìtì omáà wèè wetí o kpéí nke benìtìbè narikenèmè Kuyie, kè kù bè duó mmufòmmu. ¹⁹ Onìtì omáà yeté mèè kpéí nKuyie nkpeti dèè te kè benìtìbè bεmou naá mmeyei nyembè. Mèè botí nku onìtì omáà wèè yie nKuyie nkpeti ò yó ntemè kè kùu wénkùnnε benìtìbè bεmou.

²⁰ Ikuó ānné ke bo fei mmeyei mme kè ti yà mè deumè. Meyei ndeu dè, Kuyie nkó mesàà nhõ ndeu kèpēēté mεmmε. ²¹ Kéndonnnε meyei nkòumè benìtìbè, mèè botí nku Kuyie nkó mesàà nti duòmmè mufòmmu Yesu weè te kè Kuyie nti wénkùnko.

6

Ti kunèmè Yesu ke yānté

¹ Kè dè dò mmεmmε ti bo nsaké ke dōori meyei mme kè Kuyie nkó mesàà nnè deukaà? ² Bitì, bitì! Ti yèmu meyei mmieke, ti ténke báá na ké mmè dōòri. ³ Di í yé ke dò nkè bè ti ānné dìl mōnnì bàtémμù ti wēnnénè Yesu Kirisi nwe ke kúà? ⁴ Bè ti kùnnε dìl mōnnì mēniε ndè dōnnè bè ti kūnnénè Kirisi nwe, kéndò Kuyie nkó muwēríμú diēmù duómmè

kòò yǎnté kù múnke bo nte kè tí nfòu mufòmму pàmmù.

⁵ Kè ti ò wēnnénè ke ku ti bo ò wēnnénè kényǎnté.

⁶ Ti yému ke dò nti fòmму mukótímù, bè mù wēnnénè Kirisi ke baaké kudapāātí, kè meyèmmè mèè do ti yũṣ mmeyei mbíékè kè mè ténke í mǎke muwērímú, ti ténke í tú meyeyi nkó tidaatì. ⁷ Ke yé wèè ku ò ténke í bomè meyeyi mmieke. ⁸ Ti nyé ke dò nkè ti wēnnénè Yesu ke ku ti bo ò wēnnénè o fòmму pàmmù. ⁹ Ti yému ke dò nKirisi ku ke yǎnté, ò ténke í yóó kú. Mukũũ ténke báá na kóò kùṵ. ¹⁰ Ò ku ke na meyeyi nkuce memáà ndi sǎà, ke yǎnté ke fòu ke bo Kuyie mborè. ¹¹ Wénténè dimáà meyeyi mbíéké kéndò ndi ku, ke nfòu Kuyie nkó mufòmму Yesu Kirisi borè.

¹² Báá yiennè kè meyeyi ní nte di kǎntì, kè di yèmmè ndi yũṣ nkè di dǎori meyeyi. ¹³ Di báá yie nkè di tùòtì naá mmeyeyi nkó titǎnnentì. Duónnè dimáà kéndò mbenitibè bèè ku ke yǎnté, kéndò ntitǎnnentì Kuyie nkó mutǎmmú kpèti. ¹⁴ Meyeyi nténke í di te, di ténke í dò nkéndé ikuó, di bo Kuyie nkó mesàà mmieke nke.

Ti yèmè meyeyi mmieke

¹⁵ Kè ikuó ténke í ti te tí ndǎori meyeyi mme ti bo mèè kpéi Kuyie nkó mesàà mmiekaà? Bitì!

¹⁶ Di í yé ke dò nkàa duó nhamáà òmǎu, ke yíè nhò yèmmù, a naá nho daakù nkuàà? Kàa dǎori meyeyi nha yóó kúmu, kàa me nyie nKuyie nkpeti kù da wénkùnnè. ¹⁷ Ti sǎntí Kuyie ndi do túmè meyeyi nkó tidaatì, di mmònni kényie nnè di yèmmè memǎu itié mbè ti nàké ì. ¹⁸ Di mmònni di yèmu

meyei nkó tidaatì mmieke, ke naá mmewetímmè kó tidaatì. ¹⁹ N yóó bée nkédonnènè di yé tì nti, ke yé di mu nyí kpenkemè. Kéndò ndi do duómmè dimáà mufòmmu yèimu kènaá mmu kó tidaatì, di mmònni duónnè dimáà kéndò mmewetímmè kó tidaatì kè di fòmmu ndò mpáíí.

²⁰ Di do tú dìi mònni meyei kó tidaatì, di do í weti di do dɔɔri di dómè mmɛ. ²¹ Di do dɔɔri dìi mònni meyei nyifèi mè ndi bonnèmè di mmònni kéréú òmmu cɔ́ntimu? Di kó mucɔ́ntimu do tú mukũũ mmu. ²² Di mmònni di yèmu meyei nkó tidaatì mieke ke naá nKuyie nkó tidaatì kè kù di wénkùnnè kè di pèté mufòmmu mùù bo sáà. ²³ Ke yé meyei nkó tiyeti túmè mukũũ mmu, kè Kuyie nkó dipānni tú mufòmmu mùù bo sáà ti taunnè ti Yiè nYesu Kirisi nwe ke mù pèté.

7

Ikuó ténke í ti te

¹ N kòbe n di náánnè ke dò mbenitibè mbe bèè yé ikuó, ikuó ò nte onitì ò kpaá fòù dìi mònni ndi.

² Ntenè medonnimè mamè, kòo nitipòkù ye nho dɔ̀ù ikuó ò ò taunnèmu o dɔ̀ù, kòo dɔ̀ù me nku ò tɛ́temu. ³ Kòò yenke otɔ̀ù kòo dɔ̀ù kpaá fòù ò tu wèè dɔ̀uti dɔ̀utinè wènwɛ benitidaabè. Kòò dɔ̀ù me nku ò feitèmu, de mònni kòò yenke otɔ̀ù ò í tú wèè dɔ̀uti dɔ̀utinè benitidaabè. ⁴ Kéndò ndi wènnénèmè Kirisi ke ku, ikuó ténke í di te, di mmònni wèè ku ke yānté weè di te, kè di dɔ̀rìmmè bo nwenni Kuyie mborè. ⁵ Ti do fòù dìi mònni ti mómmɔmbɛ ti dó mèè botí kè ikuó ò ti te, kè ti dɔ̀rì meyei, nkè de kó tiyeti tú mukũũ. ⁶ Di mmònni, ti yèmu ikuó kó tidaatì mieke, ke yé Yesu kũũ nti dènnèmè ikuó kó tidaatì mieke,

kè Muyaánsààmù ti duó mmeborime pàmmè, kè ti bo na kẹ́pí Kuyie ntǎmmú kẹ́yóu ikuó kó meborime kótímè.

Ikuó wennimè

⁷ Ti bo yí ikuó tú m̄eyimmaà? Bìtì! Ikuó ìi né te kè n yíṣṣé m̄eyei, n na bá nyé ke dò nha bo nyáámmè otòu k̄pere dè í wenni, kè ikuó do í n nàké ke tú: A bá nyáá nhotòu k̄pere. ⁸ M̄eyei ndiinnè ikuó nyi ke íi m miéke otòu k̄pere kó muyáàmmù, kè ikuó í bo dè, m̄eyei ǎ í nfeí. ⁹ Ikuó do í bo dii mǎnni kè dèmarè í n kǎnnè, ì buotému kè n yíṣṣé m̄eyei kè m̄è n kùò. ¹⁰ Mem̄me ikuó ìi na nni nkòtenè mufòmmu bíékè, kè ì né n kòtenè mukũũ mbíékè. ¹¹ Kè m̄eyei nni ndiinnè ikuó ke n n̄inte ke n kùò.

¹² Ikuó dò mpáíí nwe kè ku tannùu dò mpáíí. ¹³ Desààrè dè n kuàà? Bìtì! M̄eyei mmeè tùóté dèè wenni ke n kuònnè, kè dè bo yie nkè m̄eyei nfeitè mè d̄eu ke mamè.

Nyí dǎori n dómè

¹⁴ Ti yému ke dò nyikuó tú Kuyie nk̄peyi, kè mí ntú on̄tì m̄eyei nkó kudaakù. ¹⁵ N yí yé n dǎori dè, n yí dǎori mesàà n do dó kédòò mè, m̄eyei n yí dómè n né me ndǎori. ¹⁶ Kè n dǎori n yí dómè n tũ nyiemmu ke dò nyikuó wenni. ¹⁷ M̄íí í dǎori n dómè, m̄eyei m̄èè bo m miéke m̄èè n tèm̄mù kè m m̄è dǎori. ¹⁸ N yému ke dò n tú on̄tì kè mesàà nyí bo m miéke, nh ǎ ndómu kédòò mesàà nkémónté muw̄érímú. ¹⁹ N yí dǎori mesàà n dó kédòò mè, n né dǎori m̄eyei mme n yí dó mè. ²⁰ Kè n dǎori m̄eyei n yí dó mè, dè í tú m̄íi mè dǎori, m̄eyei mmeè bo m miéke m̄èè n tèm̄mù.

²¹ Nte ìi kuó bo m miéke: Nh ǎ ndó kédòò mesàà kénsó n dòò m̄eyei mme. ²² Nè n yèmmè miéke

n dómu Kuyie nkó ikuó. ²³ M bantému ke dò mmeyèmmè mèdémè mèè m màùnè: Mesàà nkōme nè meyei nkōme. Kè meyei nkōme n na kè n wète ke naá mmeyei nkó kudaakù. ²⁴ Mí nhosénnìwè! Wè mbo n denne mukũũ kó difòtìrì dii mmieke? ²⁵ Òmou bomu wèè tu Kirisi. Kuyie nnè mutōmmú! De kó meyèmmè mèdémè baa bomu m mieke ke mie ñdó Kuyie nkó ikuó yèmmè, kè metēmè dó n dōò meyei.

8

Muyaánsààmù kó mufòmmu

¹ Di mmònnì Kuyie nténke í yóó kpetínné bèè wéñnè Yesu Kirisi. ² Ke yé Muyaánsààmù kó ikuó ìì duò mmufòmmu bèè tàunnè Yesu Kirisi ìì n dènnemè meyei nkó ikuó mieke ìì kòù. ³ Ikuó do í na ke ti duó mmufòmmu, ke yé onìtì í mākemè muwērimú ke bo dōò ì yèmmè, deè te kè Kuyie ntōnnì ku Birè kè dè tūóté tinitikòntì, ke bo ti deetè ke ku kudapāātí ñnkè ke na meyei. ⁴ Yesu ku ke dōò ikuó yèmmè mme, di mmònnì ti bo na ké ì tūnne ke yé Kuyie nti duómme Muyaánsààmù. ⁵ Wèè tū nho mómmuò nkó meyèmmè ò dōòrì tikòntì kperè nde, kè wèè yie mMuyaánsààmù kpeti kòò dōòrì mù dó dè. ⁶ Kàa tū nha mómmuò nkó meyèmmè dè da kōrinè mukũũ mborè nde, kàa yie mMuyaánsààmù kpeti a pété mufòmmu nè diwèi. ⁷ Bèè tū mbe mómmōmbe kó meyèmmè bè tú Kuyie nkpatídèntòbè mbe, ke yé onìtì kó meyèmmè í tūmmè Kuyie nkó ikuó, mè keté ke báá na ké ì tūnne. ⁸ Bèè dōòrì be yèmmè dómè Kuyie mbáá bè pénsirì.

⁹ Díndi ténke í tũ ndi kònti kó meyèmmè, di tũ mMuyaánsààmù kpeti nti mùù bo di mieke. Kòò m̀òù í m̀òke Muyaánsààmù Kirisi duò mmù ò í tú Kirisi kou.

Mufòmmu pàmmù

¹⁰ Bá di kònti me ntúmè tìi yóó kú diyie mari, kè Kirisi bo di mieke Kuyie ndi wénkùmmu, kè Muyaánsààmù di duò mufòmmu pàmmù mùù bo sàà. ¹¹ Kè Muyaánsààmù mùù te kè Yesu yànté kè mù bo di mieke, mummu mùù te kè Kirisi yànté mù bo duò nkè di kònti foute.

¹² N kòbe kè dè dò mmemme di ténke í dò nkéndòori di kònti dó dè. ¹³ Kè di d̀òori di yèmmè dómè di wèrè bo kú, kè di me nyóu ke Muyaánsààmù kùò di mómmbè kó meyèmmè, di bo nfòu sàà. ¹⁴ Muyaánsààmù ni bèè kó dimàà bèè tu Kuyie mbí. ¹⁵ Kuyie nti duò mmù Yaa nyí ti d̀òori tidaatì, ke ti àà kufòwaá, mmù ti d̀òori Kuyie mbí nyí, ke te kè ti kù yu ke tú ti cice. ¹⁶ Muyaánsààmù mmù ti náá nti yèmmè mieke ti tùmè Kuyie mbí. ¹⁷ Kè ti tú Kuyie mbí ke wènnénè Kirisi ke fèùté ti bo tieke Kuyie mmòke dè, kéwènnénè Kirisi kèdi tikpàti.

Kuyie ndómè ti kù wènnénè kèmbò ku kpeti mieke

¹⁸ N yèmu ke dò nKuyie nti baanè tìi kpàti deumu ke pèètè ti me nfèùrì m̀èè fèùtímè. ¹⁹ Kuyie ndòò dè kó dimàà bàamu Kuyie mbo dè benkemè ku bí kó tikpàti. ²⁰ Kuyie ndòò dè ta m̀èè fèùtímè detetirè kòme dè í tú deè mè dó Kuyie nkuu yè ndè mme dò. ²¹ Kuyie ndòò dè bàamu bè bo dè deeténèmè mefèùtímè kè dèe yè me kó tidaatì kéwènnénè Kuyie

nkó ibí meom̀pùmè. ²² Ti yému ke do nnè dimònnì Kuyie ndòò dè demou yo mmesémme, ke fěũrì onitipòkù ã mpéi ke fěũrì mēè botí. ²³ Dè í tú Kuyie ndòò dè dēè mǎà fěũrì, tínti bēè niité ke m̀òòte Kuyie mpānnì Muyaánsààmù, ti múnke fěũrìmu ke baa Kuyie mbo deetè dìi yìè ti k̀òntì páíí, ke ti túóté kédòò ku bí. ²⁴ Yíe nti cootému kè ti cootímè móm̃mm̃m̃m̃ né kpaaní kè ti mē bàà. Kàa yà demarè a ténke ã ì ndè bàà. ²⁵ Kè ti baa ti í wúó ndè, ti ã ndè bàà nè mēwě́rímè mme.

²⁶ Ti í m̀ke muwě́rímú, dē te kè Muyaánsààmùu ti teénnè, ke yé ti í yémè ti bo nkù bàá mmēè botí, kè mù kù bàá nke sáútí ti do í yóó na kédòò mē. ²⁷ Kuyie nkùu yé ti yèmmè, kù yému Muyaánsààmù dó tì, ke yé Muyaánsààmù tūmmè Kuyie ndómè mme ke kù bàá nku k̀be kpéí.

²⁸ Ti yému ke dò nKuyie ndòòrì dè demou kù dè d̀òòrì bēè kù dó be kó mesàà nkpéi nke, bembè kù yu bē ke tū nkù do tǎáté tì be kpéí. ²⁹ Kuyie ntǎáté bē nè dimònnì kù bē tǎáté ke dó bē ndònnè ku Bire nde, kè dè ntú be kòò Po. ³⁰ Kuyie ntǎáté bē nè dimònnì ku be nyu, kù yu bē kù be nwénk̀unne kù wénk̀unne bē kù be nduó nku kpetì.

Ba mbo na ke ti yatenè Kirisi

³¹ Ti bo yí ba náke? Kè Kuyie nti kómmú we mbo nti níí? ³² Kunku í ti yetenè ku Bire móm̃mm̃nde ke duó nkè bē dè kùò, dè bo yíme kè kù bàá ti duó nde s̃onne? ³³ We mbo sei nKuyie ntǎáté bē? Dè yìè nyí bo! Kuyie nkuù bē wénk̀unne. ³⁴ Ke yé Yesu Kirisi kumè ti kpéi nke ke yǎnté ke bo Kuyie

mbakù yoú kẹ báá nti kpéí. ³⁵ Ba mbo ti yatenè Kirisi? Mēháárìmàà? Mēyēñcaàrìmàà? Mēfěū́tímàà? Dikònnàà? Tìdàwantàà? Kufōwaaanáà? Yáà mukũũ? ³⁶ Tì wàrimu kẹ tú:

Fǒǒ kpéí nke

bè ti dónèmmè mukũũ

kẹ ti dǎori kẹ dò ntipièti

tì bo mukòu kpéí.

³⁷ Demou memme wèè ti dó weè te kẹ ti tú bèè na kẹ mènke na. ³⁸ N yému weti weti kẹ do ndèmarè báá na kẹ ti yatenè Kuyie nti dake mēè dókùmmè nè Yesu borè! Bá mukũũ, bá mufòmму, bá Kuyie ntǒrè, bá yebakè kó mēyēi, bá mēháárìmmè di mmònni kǒmē, yoo mēè kpaaní. ³⁹ Bá kēĩnkè kó bekperíbè, bá ketenkè kǎbe. Dèmarè báá na kẹ ti yatenè Kuyie nkùu ti dó kẹ ti duǎnni Yesu Kirisi wèè tu ti Yiè.

9

Kuyie nkó mēsémme

¹ N tú Kirisi kou nwe kẹ Muyaánsààmù bo m miēke kẹ n ni kẹ n nàà ntimóm̃m̃m̃nti n yí sou. ² N yèmmè mēè cààri mediè nkè dè nyóu sǎà. ³ N na ndómu Kuyie nni ncǒǒ kẹ n yatenè Kirisi kẹ nsà kẹ dè bo yie nkè m botí kǎbe Isidayēeribee cooté. ⁴ Bè tu Isidayēeri yaàbí nyi, kẹ kù bè dǒò ku bí, kẹ bè benke kù dēu mēè botí, kẹ bè taunnè kumáà. Kẹ bè duó nyikuó, kẹ bè benke ku kpeti, kẹ bè benke bè yóó nkù báámmè kẹ bè dǎúnnè yēnò. ⁵ Bè tu ti yaàrìbè bèè yètè fei bε kó iyaàbí nyi, kẹ Yesu boñni bε kó kubotí miēke wèè baké dēnēnnè demou. Kuyie nyètìrì ndēu sǎà. Kè dè mme ndò.

⁶ Dè í tú n yē nKuyie nyí dǒò kù do bè dǎúnnè dii nùu, n dó kẹ yí Isidayēeribe bēmu beè í tú

Isidayεεribε móm̃mm̃mbε. ⁷ Dè í tú Abarahammu yaábí im̃ou ìì tu o bí móm̃mm̃nyì, kε yě kù do yě nkù bo ò d̃d̃ m̃esàà nyIsaki kó ibí kpéí nkε. ⁸ Dè í tú bèè cice tú Abarahammu beè tú Kuyie mbí, bèè yie nkù do bè d̃d̃unnè d̃ì nùù beè tu ku bí. ⁹ Nte Kuyie ndo ò nàké tì kε d̃d̃: Dè yàà bo mm̃ nk̃āāké kε nní nwētini kε s̃s̃ nSaraa peité denitidabire.

¹⁰ Debekaa kó ibí id̃i do w̃r̃mm̃u i cice Isaki. ¹¹⁻¹² Ò mu nyí ì peité d̃ì m̃onñi, ì ì d̃d̃ m̃eyei mm̃am̃è yoo m̃esàà mm̃am̃è kε Kuyie nt̃āāté d̃em̃ar̃è kε d̃è bo ntú ku kp̃εε, d̃è í tú ì d̃d̃ m̃esàà mam̃è kε m̃εε te, kù d̃d̃ kù d̃ó m̃emm̃ε kε nàké Debekaa kε d̃d̃:

¹³ Os̃m̃p̃òù bo mbaké Okótì, k̃end̃onñè tì w̃r̃im̃è kε tú:

N d̃akε Sak̃abu kε nii Esayu.

¹⁴ Tì bo yí Kuyie nyí wennaà? Àà! ¹⁵ Kε yě kù do nàk̃m̃è M̃oyiisi kε d̃d̃: M bo kuó mm̃esémm̃è n d̃ó k̃é m̃é kuó nwè k̃ed̃d̃ m̃esàà n d̃ó k̃é m̃é d̃d̃ wè.

¹⁶ Dè í tú oñtì weè ò nd̃ó yoo nè o kó m̃ew̃é̃r̃im̃è, Kuyie nkuù ò̃ ò kuó mm̃esémm̃è. ¹⁷ Tì w̃r̃i kε tú Kuyie ndo nàké Esibiti kóo kp̃ààtì kε d̃d̃: N da duó ntikp̃àtì kε bo benke n w̃r̃im̃ú mm̃u, kε bèè d̃éúkunñε n yèt̃ir̃i kutenkù kum̃ou. ¹⁸ Kε d̃è d̃ò mm̃emm̃ε Kuyie nh̃ō̃ kuó mm̃esémm̃è kù d̃ó k̃é m̃é kuó w̃enwe k̃ékp̃énkunñε kù d̃ó k̃ékp̃énkunñε w̃èè kó yeto.

We mbo sei nKuyie?

¹⁹ Kε d̃è ỹemm̃è beñit̃ib̃è bo yí k̃é d̃è d̃ò mm̃emm̃ε ba nñé te kε Kuyie mbo tì kpet̃inñé? We mbo na k̃éyetε Kuyie nh̃ò d̃ómm̃è? ²⁰ A tú we f̃f̃̃ nhoñtì kε bo sei nKuyie? Tek̃ūmbot̃è bo na k̃ébeke w̃èè

tè maá ke dò: Dè dòmme kàa m maá mie mbotáà?
²¹ Oyaamari bo na ke túóté tiyaatì timáà ke maá
 tekũmbotè sààtè, kémaá kunésĩmbuuku.

²² Ti kperε me ndò, Kuyie mmieke do peikemu
 kè kù ndó kébenke kù kpeñnìme, ké né mɔɔte
 meminnímè bá kù í nkùò bèè do dò nkùu bè kùò.
²³ Kè ndó ké ti benke kù kpeñnìme mediè, nke ti kuó
 mmesémmè tínti kù tãáté bè nè dimònnì kè ti bo di ku
 kpàtì. ²⁴ Tii tú Kuyie ntãáté bè ke ti kuó mmesémmè,
 Sifube nè bèè í tú Sifube be mieke. ²⁵ Tì wàrimu Osee
 kó dipátìri mieke ke tú:

Bèè do í tú n kɔbe
 m bo bè dɔ̀̀ n kɔbe,
 n do í dó bè m bo bè dɔke.
²⁶ Díndi bè do í tú bè Kuyie nkɔbe
 bè bo di yú Kuyie nkɔbe.

²⁷ Kè Esaii bée nyIsidayεeribe kpéi nke dò: Bá kè
 Isidayεeribe do sũ ke mannè dàméèrì kó mubirímú,
 be mieke bèè bo nsúó mbèè yóó cooté.

²⁸ Kè yé ti Yiè nKuyie nyóó dɔ̀̀mèmu kù bée nti
 páíí ké tì dɔ̀̀ mɛcãã.

²⁹ Esaii do yìé kébéimmu ke dò:
 Kè Ti Yiè nKuyie Mpakedaa
 do í coo nti kó bèmabè,
 nè yíe nti kperε do dèèmu
 ke naánè Sodømmu èi kɔbe kperε,
 ke sãáténè Komɔ̀̀ èi kɔbe kperε.

Kuyie nwénkùnkòmè bèè tá Yesu

³⁰ Tì bo yí ba náke? Bèè í tú Sifube ke do í
 wanti Kuyie nku bè nwénkùnnè, di mmònnì kù
 bè wénkùnnemu bè tá mmèè kpéi nYesu. ³¹ Kè
 Isidayεeribe biè bèè do wanti Kuyie mbè wénkùnnè

nè ikuó miεke ke me nyí na ke dǒò ì yě mmù. ³² Ke yě bè í dómè Kuyie mbè wénkùnnε bè tá mǐè kpéí, ke dó kùu bè wénkùnnε nè be dǒòrímè miεke. Mémme kè bè bèté dibététári. ³³ Tì wǎri dǐi kpéí nke tú:

Ntenè n dǒummè dibététári
Siyǒ ìnkè dipèri dǐi buò,
kè wǐè di tá ò báá di ifei.

10

¹ N kǒbe, n dó tì nè n yèmmè memou ke báá nKuyie nti kpéí tǐi tú Kuyie ndεεté Sifube. ² N yǐmu ke dò mbe kǎntǐ yau Kuyie nkpéí kè meyǐétímè né bè dǒnté. ³ Bè í banté Kuyie nwénkùngo mǐè botí benitibè ke wanti kéwenke nè bemáa ke í tǔnnε kuce Kuyie nwénkùngo kù nè benitibè. ⁴ Mómumu nè Kirisi kǎtenímè ikuó tǐnke í tǐ wénkùngo di mmǎnni Kuyie nwénkùngo bèè tá bèmbε Kirisi.

Yesu weè mǎa dǐeri

⁵ Mǒyiisi do wǎri kè dè ntukúnè Kuyie mbo wénkùnnεmè onitǐ nè ikuó miεke ke dò: Wǐè bo tǔnnε ikuó yèmmè, ì bo nte kǒò nfòu. ⁶ Né nte ò náké tǐ kè dè ntukúnè a bo ntámè kè Kuyie nda wénkùnnε: Ò do tú: We mbo deke keǐnkè? Ke yě nkécũnní Kirisi nwe. ⁷ Ò do tú: We mbo ta kudǎnkù? Ke yě nkéyínní Kirisi nwe becíribè cuokè. ⁸ Ò né wǎri ke yě mba? Tǐi tú: Tináaǎntǐ í da dǐtirinè, tǐ bo a nùu ndi ke ã a yèmmè miεke. De kó tináaǎntǐ tú a bo ntámè mme, tǐntǐ tǐ náantemè. ⁹ Kǎa béinnè a nùu ke yǐ Kirisi tú a Yiè ke tá nè a yèmmè miεke ke dò nKuyie nduó nkòò yǎnté, a bo cootému. ¹⁰ Ke yě onitǐ ò ntámè nè o yèmmè mme kè Kuyie nhò wénkùnnε

kòo b́ei nnè o nùù kẹ pété mēdētímè. ¹¹ Kẹ yě tì wàrimè kẹ tú: Wèè ò tá ò báá di ifei. ¹² Sifu nè wèè í tú Sifu dè tũ nyí cáá, bẹ Yiè nhomáà ndi, kòo nòutè yàa mbèè kó dimàà ò kuònnè bẹ kpéí. ¹³ Tì wàrimu nke tú: Bèè bo kuònnè tì Yiè mbè bo cooté.

¹⁴ Bè bo yĩmẹ kóò kuònnè kẹ í ò tá? Bè bo yĩmẹ ké nhò tá kòò m̀òu í b̀è nàké o kpéí? Bè bo yĩmẹ kékéè o kpéí kòò m̀òu í b̀è nàké. ¹⁵ Bè bo yĩmẹ kénáké o kpéí kè b̀è í b̀è t̃s̃? Kéndonndè tì wàrimè kẹ tú: Diwèì ã mbo bèè náante Tináaṣààtì b̀è t̀uàkení dìì m̀ònnì. ¹⁶ Bẹm̀òu òm̀òu mē nyí yie nde kó Tináaṣààtì, Esaii do béimmu kẹ d̀ò: N Yiè nKuyie, we nyie nha náaṣtì tì náá nti? ¹⁷ Oǹtì ã̃ kèè tináaṣtì nti kéntá, dẹ kó tináaṣtì tú Kirisi kpeti nti.

¹⁸ M bo beke kẹ d̀ò: Sifubẹ sàà í kèèmu dẹ kó tináaṣtàà? Bè tì kèèmu kẹ yě tì wàrimu kẹ tú:

Bẹ náaṣtì pitému kutenkù kum̀òu,

kè b̀è tì kèè itemm̀ankẹ im̀òu.

¹⁹ M bo beke kẹ d̀ò: Isidayeeribẹ sàà í bantému dẹ kó tináaṣtàà? Kuyie ndié nke duó nkè M̀oyiisi béimmu kẹ tú:

M bo túóté b̀èè í tú Sifubẹ,

dì yèmmè d̀ò mbèè í c̀iì,

kè dè nte kè dè dí yonkẹ,

kè dì mièkẹ pèikẹ.

²⁰ Kuyie nyíé kẹ nàkému Esaii kòò tì wàri kẹ tú:

Bèè do í n wanti b̀è n yàmu,

m benkemmu m máà bèè do í dake n kpéí.

²¹ Kuyie mbéimmu Isidayeeribẹ kpéí kẹ tú: N yuo n ǹòu nsi yewe yem̀òu itookperí yembè bèè yete n kpeti bẹ bíékè.

11

Kuyie nyí yete Isidayεeribe

¹ M bo yí Kuyie nyí dómu Isidayεeribàà? Bitì, ke yé n túmè Isidayεeri nwe, Abarahammu yaàbire, Bensamεe kó kuwuò nkou. ² Kuyie nyí yete ku kó benitibè kù tãáté bè nè dimònnì, yáà di í yé Edii do kuònnè Kuyie ke búi ntì Isidayεeribe kpéí nke dò: ³ N Yìè, mbè kùò a pããnáàntì náam̀bè bem̀ou ke pùò nha wũòtòrè, kè m̀i kpaá m m̀áà kè bè dó ké n kuò. ⁴ Kuyie ndo ò téǹné ònti? Kù do ò téǹné ke dò: N sònnemu benitibè sik̀upísìyiekè (7000) bèè í ǹnkú dibòò Baari ìkè. ⁵ Mèè botí nku, bèmabè kpaám̀e yíe nKuyie ntãáté bè nè ku kó m̀esàà nkpeí. ⁶ Kù bè tãáté nè ku kó m̀esàà nkpeí nke, dè í tú be d̀òrìm̀e kpéí kè mèè d̀ake dè téǹke í tú ku kó m̀esàà.

⁷ Ti bo yí ba náke! Isidayεeribe í pètè bè do wanti dèà? Kuyie ntãáté bè beè m̀áà dè pètè, kè besombè to kpenke. ⁸ Tì wàrimu ke tú: Nè yíennì Kuyie nkuù bè tanné tikòncéèti miεke, ke bè yéik̀unne ke kpénk̀unne be to. ⁹ Kè Dafiti m̀unkεe búi nke dò:

Yebaa mbè ãã yèè naá mbe kpéí timátì nè ticùòtì

ké bè tùòtì

kè dè ntú be yei nkó tiyeti.

¹⁰ Bèè naá ntiyũòntì

ke téǹke bá nwúó mbá sám̀pó.

Pũtinné be kè bè mpũũtí sãã.

¹¹ M békúmu nke tú: Sifube bèté ke do sãã nweà? Bitì! Be kóo kédo kpéí nte kè Kuyie ndεεté ibotí t̀ei kè dè bo bè yonke. ¹² Kè Sifube yete mèè kpéí nte kè kutenkù kum̀ou pètè m̀esàà, kè bè pàà mèè sàà nnaá

nyibotí tei kōme, dè né bo ndòmmè bè bo ceete dii
yie kēwētení Kuyie mborè?

Dikpàà kó itebake naámmè kupaku kpeyi

¹³ N náánnè dímbè bèè í tú Sifube. Kuyie nni
ntāāté kè m bo náké dímbè ku náàntì, kè dè n naatinè
de kó mutōmmú. ¹⁴ Kè n yèmmè dò ndè bo yonke
m botí kabe Sifube kè bèmabèè tūnne Kirisi. ¹⁵ Kè
Kuyie ndo bè yóu kétaunnè kumàà ibotí tei, dè né
bo ndòmmè bè bo wēte ké kù tūnnè dii mōnni. De
mōnni dè bo ndò bè do ku kē yānté.

¹⁶ Kè Kuyie nte dicawēītiri kètiri, kù temu
dicabuu dimou. Kè kù te mutie kūnni kù temu mu-
tie mumou. ¹⁷ Sifube dōnnè mutie bè buotí mūmmu
kupaku, kè bèè í tú Sifube kè bè dōnnè dikpàà kōmu,
kè bè kōūnī mu bake ke tuuténè kupaku kōmu, kè ì
pèú mu kó mekūmmè. ¹⁸ A né bá mpotì kàa yèmmè
dò nha pēēté bè kōū ìi bake, dikūnni dii da to, fōō í di
to.

¹⁹ Kè dè yèmmè a bo yī: Bè kōū ibake ke ùtōo ke
bo tuuté mínwe. ²⁰ Mōmmuo nwe bè ì kōūmè ì í tá
mèè kpéi, ke da tuuté a tá mèè kpéi, a né bá mpotì, dō
meyōmmè kéndé. ²¹ Kè Kuyie nyí yóu kù bo kōūmè
mutie mōmmōmmu kó itebake, kù báa da yóu. ²² A
nyé ke dò nKuyie nyóumu ke wēte ke sà. Kù yóumu
bèè kù yete be kpéi, ke sà a kpéi kénsà kàa í yè ku kó
mesàà mmieke, kè mèè dake kù bo da kōū itebake tei
kōme. ²³ Kè Sifube yóu be tookperí Kuyie mbo wēte
ké bè tuuté be kūnni, ke yé kù mōkemè muwērímú ke
bo mè dō. ²⁴ A nyé ke dò nha tú kutebaku dikpàà
koku nku ke Kuyie nda kōūnī ke tuuténè bè buotí
mùu tie kupaku, dè tū ténke bá nkù yòunè kù bo
tuutémmè itebake mōmmōnyi i kūnni.

Kuyie mbo deetē Sifube

²⁵ N kòbe n dó ke di náké disòrì kpeti matì nti kè di bá mpòtì, Isidayeeribe to í yó nhā ke kpeñnì sǎǎ, yè yó nkpeñnì ke kèmmùnè Kuyie mbo deetē mèmme kù tǎāté bè beməu ibotí tɛi mieke. ²⁶ Mèè botí nku Kuyie nyóó deetémè Isidayeeribe kéndonnè tì wǎrimè ke tú:

Odeetiwè bo yènní Siyǎǎ

kéūté Sakəbu yaǎbí yei mmeməu.

²⁷ Dèè yó ntú mí nnè be ti kó metaummè, m bo bè ũtè dii mōnni be yei.

²⁸ Sifube yete Tináaṣṣààtì nti ke naá nKuyie nkpanṭidèntəbè. Dèè tú ti kó mucóntimu Kuyie mbè dómú kù tǎāté mèè kpéi mbe yembè. ²⁹ Ke yé Kuyie nhǎǎ í mpǎ kéfiete kù me nhǎ í nyete kù yu wè. ³⁰ Di do tú bèè yete bembə Kuyie nkpeti. Di mōnni kè kù di kuó mmesémmè Sifube yete mèè kpéi ku kpeti. ³¹ Sifube yetemè Kuyie nkè kù di kuó mmesémmè kù múnke yóó me mbè kuó mmesémmè. ³² Kuyie nyóumu kè benitibè beməu yete ku kpeti, kè dè bo yie nkè kùu bè kuó mesémmè.

Kuyie nsàà ndeumu

³³ Kuyie nsàà ndeumu, kè ku cii ndeu kè kù yé deməu. We mbo na kénáké kù tǎāté tì nè kù dó kédòò tì. ³⁴ Kéndonnè tì wǎrimè ke tú:

We nyé ti Yiè nyèmmè dòmmè?

We nkù duò nyitié?

³⁵ We nkù pǎ diyie marì dèmarè

ke baà de kó tiyeti?

³⁶ Kuù dòò deməu, ke dè te, bá dè nè de kó mutōmmú. Kuyie nyètìrì ndeu sǎǎ. Kè dè mme ndò.

12

Tínti Kuyie ndeeté bè ti bo mpĩ mmèè botí ku tōmmú

¹ N kɔɛ Kuyie ndi dōdumu mesàà, deè te kè n di tiè nkɛ tú dí kù duó ndi kònti nè di fòmму kè dè ndò ndipānni sààrì dī kù wenni dī dò páíí. Deè yó ntú mubáammu di dò nké nkù báá mmù. ² Bá ncóunè kuntenkù kuù nkó medoòrimè. Yóunè kè Kuyie nceete di yèmmè páíí, mēmme di bo namè kébanté kù dó dè deè wenni páíí.

³ Nè Kuyie nni ndòò mèè sàà nkpréi nkè n naá ku kó ditōnni, n dó ke di náké ke tú di yèmmè bá ndò ndi deυ ke pēēté di dommè. Kékūnne dimáà kényie nKuyie ndi duó nyèè fōtè. ⁴ Wénténè onìti mòke mèè botí itùòti péu kè i tōmmú cáá ncáá. ⁵ Tínti Kirisi kɔɛ ti kperε me ndò, kè ti sū koò tàunè, ti wē tikònti timáà ndi, ke teé ntitòbè. ⁶ Bá wè kòo pānni cáá nKuyie nhò pā kè dè māmè, kè Kuyie nyē nwèè duó nwè ku náànti, wè nti náà nti tákùmmè dòmmè. ⁷ Kè Kuyie nyē nwèè nteé mbetòbè, wè mbè teé, kè kù yē nwèè ntiè mbetòbè, wè mbè tiè. ⁸ Kè kù yē nwèè nyáúkunko betòbè kònti wè nti yáúkunko, kè kù duó nkàa mòke a kperε a mpāā nnè meyèmmè mēmáà, kè kù yē nwèè nni betòbè wè nni kè dè wenni, kè kù yē nwèè íteé mbecīribè, wè mbè teé nnè diwèl.

Ti bo ndómè titòbè

⁹ Ndónè ditòbè nè timómmonti ke níí mmeyei ke taunnè dimáà mesàà nteii. ¹⁰ Ndónè ditòbè díndi Kirisi kɔɛ, kéndé ditòbè. ¹¹ Dì bá ntú betōnnédíébè, di kònti nyau kè di mpĩ nti Yìè ntōmmú kè Muyaánsààmù ndi teénne. ¹² Dè ndi

naati di baa dè kpéí, kè di fěũrì di mmi ke báá nKuyie nsáà. ¹³ Nteénnè di kɔbɛ Kirisi kɔbɛ dèmarè bè dónnì diì mònñi, kénɔú bèpòðbè nè diwèi.

¹⁴ Kè bè di fěũnko di mbékú Kuyie nkó mesàà mbe kpéí, di mbékú Kuyie nkó mesàà bèè di fěũnko be kpéí, di bá mbè buò nkusĩnkù. ¹⁵ Di níí ñwěñnè diwèi bo bè ke yānku ke nwěñnè bèè kuò, nke kuò. ¹⁶ Nyonè titɔbè tú mù, di bá nhā sifeé, nkékunkonè dimáà, di yèmmè bá ndò di yé demou.

¹⁷ Di bá nfoku meyei bèè mè ndi dɔɔri. Ndɔɔrinè dèè wenni kè bènìtìbè bémou wúó. ¹⁸ N dɔɔrinè di bo namè kénnaatinè benìtìbè bémou. ¹⁹ Di bá nwanti képeite di mómmɔmbɛ, yóunè kè Kuyie nkpa ndi kpéí, nke yé ti wàrimè ke tú: Mí nKuyie, mî yóó kpà ndi kpéí. ²⁰ Kè dikònni bo a kpantídèntòu, duó nwe kòo di, kè sinéyěi ò bo, duó nwe kòo yā. Kàa dòò mèmme dè dò nha còú yehāākũ nyè o yuu ìnkè. ²¹ A báá yie nkè meyei nda na, ñdɔɔri mesàà nkè mèè nte kàa na meyei.

13

Ndénè bèè baké

¹ Benìtìbè bémou dò nkényiémmu bèè baké be kpɛti ke yé Kuyie nkuù bè kànnemè. Bèè kó dimàà baké Kuyie nkuù bè baá. ² Dèè kpéí nte kè bèè yete bèè baké be kpɛti, bè yete Kuyie nkɛti nti, kè bèè me nti yete tibeénti tiì doti be yɔ ìnkè. ³ Bèè dòòri mesàà, mbè í dò nkéndé bèè baké, bèè dòòri meyei mbèè dò nké mbè dé. Kàa í dó ké mbè dé, dɔò mesàà nkè bè da sante. ⁴ Bè pĩ nKuyie ntɔmmú mmu ke bo da teennè kàa dɔò mesàà. Kàa dòòri meyei ndé be, ke yé Kuyie

nkuù bè duómme de kó mutómmú ke bè fěũnko bèè dòòri meyei nke benkú Kuyie nyí dómè bè dòòri dè.
⁵ Dèè kpéí nte kè ti dò nkényíé mbèè baké be kpèti, dè né bá ntú bè bo ti fěũmmè mää kpéí, ti yèmmè yàà bo nti bekùnèmmè kpéí.

⁶ Dèè te kè di yietì dàmpòò. Bèè pĩ nde kó mutómmú Kuyie nkuù mù mbè duó, nkè bè mù pĩ. ⁷ Nduònnè bá wè ò te dè: Ke yietì dàmpòò o yembè, ke yietì dèè dò do nkényietì di dò nké ndè yietì bè, kényíé di dò nkényíé mbèè kpèti, kéndé di dò nkéndé bè.

Ti bo ndómè ti kou tǎu

⁸ Di bá mbannè òmǎu, dibànni bomu di bo nyietì di dii tú di bo ndómè ditǎbè. Wèè dǎ betǎbè ò dǎò Kuyie nkuó imǎu yèmmè mme. ⁹ Ntènè ikuó yèmmè: Báá duónè wèè í tú a pokù yoo wèè í tú a dǎu, báá kuǎ oniti, báá souté kécaàrè a kou tǎu yètiri, báá yúúkú, báá yaa nhotǎu kpere marè. De kó ikuó imǎu kó dikũnni tú: Ndó a kou tǎu a dǎ mèè botí amáà. ¹⁰ Wèè dǎ o kou tǎu ò í ò dǎòri meyei, ò dǎòri Kuyie nkuó yèmmè mme.

Ndakenè Yesu kó muwétimù kpéí

¹¹ Di yémèmu ti bo yèè mǎrè mieke. Dè tǔðkemu di bo entemè, ke yé ti tòónèmu medeetímè sǎmme di mmǎnni. ¹² Keyènkè yòtému kè dè auté ke bo wenté, yóunè dibũnni kó mutómmú mumǎu, ke báátí kuwenniku kó tikpàrinenti. ¹³ Ti fòmму nwenni kè ti kéri kuwenniku mieke. Ti yóu mudikétontímù nè tinayǎkémúǎnti, ke bá ndǎuti dǎutinè titǎbè, ke bá nfòu mufòmму yeimu, ke bá ndó yekpàrè nè mehěemmè. ¹⁴ Nfòunè mufòmму pàmmù mùu tu

Kirisi kōmu, ke ténke bá ndəori di mómmbəmbə di kònti dómè.

14

Òmòu bá mbekùnè otòu

¹ Ncòunè bèè kó metákùmè mu nyí kpenke, ke bá nsenku be yentotí. ² Òmòu yèmmè dòmmu ò bo na kényo ndeməu, wèè tákùmè mu nyí kpenke kòo yo ntikūnfāātì. ³ Wèè yo ndeməu ò báá senkèrì wèè í yo ndeməu, wèè í yo ndeməu ò me mbá mbekùnè wèè yo ndeməu ke yé Kuyie mbè cəutémməmu. ⁴ A tú we ke bo mbekùnè otòu kóo tǎntí? Kòo cómmú yoo ò do o yiè nkpeti ntí. Ò me nyó ñcómmúmu ke yé ti Yiè mmàkeməmu muwērímú ke bo nhò cúó. ⁵ Bèməbè yèmmè dòmmu yewe mayè wenni nè yeteyè, kè betəbè yèmmè dò yəmayè í cáá, òmòu yèmmè cénke bá nhò bekùnè. ⁶ Wèè yèmmè dò nyewe mayè wenni nè yeteyè, ò sǎntí Kuyie nku, kè wèè yo ndeməu kòo múnke kù sǎntí, ke yé ò ã nyóó dimè ké ku dəunnè mutǎmmú. Kè wèè í yo ndeməu kòo múnke ku nsǎntí. ⁷ Òmòu í fòu omáà kpéí, òmòu me nyí kǎ nhomáà kpéí. ⁸ Ke yé kè ti fòu, ti fòu Kuyie nkpeí nke, ke ti ku, ti ku Kuyie nkpeí nke. Kè ti fòu yoo ti ku, ti ã Kuyie nnùtè miéke nke. ⁹ Ke yé Kirisi kumè ke yǎnté, ke baké becírìbè nè befòubè. ¹⁰ Dè dòmmə kàa bekùnè a kou tǎu? Ba nte kàa ò sènkèrì? Timəu ti yóó cómmú Kuyie nyìkè nke kè kù ti bekénè. ¹¹ Tì wǎrimu ke tú: Mí nKuyie m bomu! Benitìbè bəməu bo nínkú n yìkè, bá kùu botí kè kù n sǎnte.

12 Dε mǎnni bá wè kòò kù nàké tii ò tukúnè.

A báá bǎ a kou

13 Ti tũ nyóunè ti bo bekùnèmè titǎbè, kětǎǎté ké báá dǎò dèmarè dèè bo bǎ nha kou tǎu. 14 Nè Yesu ti kó metaummè miεke n yému weti weti ke dò ndèmarè í sǐ, a yèmmè dò ndèè sǐ ndèè ðð naá ndesǐnnè a kpéí. 15 Kǎa yo mmudiì mamù kè dè kǎónnè a kou, a í ò dómu. Báa yie nkényo ndèmarè dèè bo fétinne a kou Kirisi ku wèè kpéí. 16 A báa yie nkè bè da wátí dèmarè kpéí fǐ n yèmmè dò ndèè wenni. 17 Kuyie nkpǎàtiyuu í tú mudii nè muyǎǎ kperi. Di tú a bo nwetímè mme kémmeke diwèi, Muyaánsààmù duò ndè. 18 Wèè tũ nKirisi mǎbotí Kuyie nwe ndó kè benitibè ò sǎntí.

19 Kè dè dò mmeemme, yóunè kè ti níwǎ dèè bo nte kè kunaatí mbo ti cuokè, kè tí nkpenkunko titǎbè Kirisi kó kuce miεke. 20 Mudii muù bá nte kè ti cake Kuyie ntǎmmú. Mudii mamù í sǐ, ndè né í wenni a bo dimè dèmarè kébǎ nha kou. 21 Dèè wenni dèè tú a bo yóumè imaa, ke bá nyð mǎnaà, kényóu dèè kó dimǎà bo bǎ nha kou tǎu. 22 Kǎa yèmmè dòmmè dε kó tinǎǎnti ñnkè, nyé ti fǐ nnè Kuyie ndidé. Dè ñnaati wèè dǎòri timatì kè dè í ò bekùnè. 23 Wèè mε nyo mmudiì mamù kòo yèmmè ò bekùnè, Kuyie mmúnke ò bekénèmu ke dèè. Onitì dǎòri dè kòo yèmmè ò bekùnè dè tú mǎyeyi mme.

15

Ti bo nteénèmè titǎbè

1 Tínti bèè kó metákùmè kpenke ti dò nkémimmu bèè mu nyí kpenke bε kpéí, ti í dò nkéndǎori ti mè ndómè. 2 Timǎu bá wè ò ndǎori

dèè bo nnaati o kou, dèè bo ò teennè kòo tákùmmè kpenkè. ³ Kè yé Kirisi do í dɔɔrimè ò mè ndómè. Tì wàrimu kè tú: Bèè da sáá mbè sáàmbè do n yuu ìnkè. ⁴ Kuyie nnáàntì wàri kè bo ti bènke ti do nkémimi mmèè botí nku, kè wéèrì kè baa Kuyie nyóó ti duó ndè. ⁵ Kuyie nkùù ɔ̃ duó nhonìtì mēmīnnīmè kòò bántè, kù di teennè kè dí nyo titɔ̀bè tú mù kè tũ nKirisi kó itié. ⁶ Mēmē di bo nwēmēmè meyēmēmè mēmáà nè metammè mēmáà kè sántí Kuyie ti Yìè nYesu Kirisi cice.

Tináaṣààtì bomè ibotí iməu kpéi

⁷ Kè dè do mēmē ncɔ́unè ditɔ̀bè, Kirisi di cɔ́utè mmèè botí kè Kuyie nyètìrì deuke. ⁸ Mómumu nwe n di náámmè Kirisi dɔ̀ò omáà Sifubè kóo tɔ̀ntì, kè bènke Kuyie ndo náké tì ti yembè tì túmè mē timómmoni. ⁹ Ò kàtení kè bèè í tú Sifubè kè bè múnke bo sante Kuyie nku sàà nkpéi, kéndò ntì wàrimè kè tú:

M bo ndiè nke da sántí yebotè cuokè,
kéndéúkunko a yètìrì.

¹⁰ Kè titetì wàri kè tú:

Ibotí iməu kɔ̀be di wēnnénè ku kó benitibè
kè di nyāku.

¹¹ Kè titetì tu:

Díndi yebotè yeməu kɔ̀be
nsántínè ti Yìè nKuyie,
díndi ibotí ndéúkunkonè ku.

¹² Kè Esaii múnkèe bēi nke dò:

Òmòu bo yènní Isaii kó kufuku mieke
kémbaké yebotè yeməu,
kè ibotí iməu nhò tá.

¹³ Kuyie nkùù òò te kè ti ntá, kù di píe ndiwèi nè kuyèhnaatí di kù tá mèè kpéí. Kè Muyaánsààmù di teennè kè di dake ntá.

Pɔɔri nàkémè mùù te kòò bè wàrinè dikɔmbù

¹⁴ N kòbe n yému ke dò ndi nitì, ke yé demou, ke bo na kètié nditòbè. ¹⁵ Kuyie nni ndòò mèè sàà nkpeí nte kè n di wàri nè dikɔmbù bá n yí di sònne tìmatì, ke bo di dentè di kèè tì nè dimònni. ¹⁶ N tú Yesu Kirisi kóo tǎntì nwe ke náá mbèè í tú Sifube o kpéí. M pĩ nKuyie nkó mutɔmmú mmu ke náá nTináansààtì kè Muyaánsààmù bo wénkùnne bèè í tú Sifube, kè bèè náá ndipānni sààrì Kuyie ndó dì. ¹⁷ Nè Yesu Kirisi ti kó metaummè mièke, dè n naatimu Kuyie nkó mutɔmmú m pĩ mmù kpéí. ¹⁸ N náá mmie nKirisi n tee mmèè kpéí nke, kè n nàké bèè í tú Sifube kè bè còutè Kuyie. Weè n teé n náàntì mièke nè n tɔmmú mièke. ¹⁹ Muyaánsààmù n teennèmu kè n dòò tidièti péu, ke nàké Kuyie nnáàntì Sedisademmu nè Idirii kó kutempè nkumou mièke. ²⁰ N tǎáté ke dó kénnaante Tináansààtì nti bè mu nyí ti kèè kèè bíékè, ke báá sòò nhòmou kó dipũ ònkè. ²¹ N dòò tì wàri memme ke tú:
Bè do í nàké bè o kpéí,
bè bo ò yà,
kè bèè do í kèè o kpéí,
kè bèè keè.

Pɔɔri dómè kékɔte Odommu

²² Dèè n diití sǎà kè n yí kòtoo di cie. ²³ Di mmònni n ténke í pĩ mutɔmmú mamù i ntempè mmieke, yebie mpéu mièke nke n dómè ké di síéké. ²⁴ Bàmbà n dó kékɔte Esipanyi nwe, m bo nkari kéyeroo di cie ke di yà, kè n yèmmèè narike kè ti dóóté, kè dí n

teennè kuce. ²⁵ N né yóó niité kékote Sedisadεmmu nwe kéduó nKirisi kabe yepārè. ²⁶ Maseduonni kabe nè Akayii kabe beè pāmmú yepārè ke bo teennè Kirisi kabe beçĩribè beè bo Sedisadεmmu. ²⁷ Bè tããté nè bemáà ndi ke beè pã de kó yepārè, beè do dò nké beè pāmu. Ke yé Sifube beè bo Sedisadεmmu beè beè nàkémè Kuyie nnáantì bembε beè í tú Sifube. Bè tũ ndò nké beè pāmu be kperε. ²⁸ Kè m beè duó ndε kó yepārè ke dèè, m bo nkōri Esipanyi káyeroo di cie. ²⁹ N yému ke dò m bo nkōroo dìi yie ke di tao Kirisi kó mesàà mme.

³⁰ N kabe n di békúmu, nè ti Yiè nYesu Kirisi kó diyètìrì kpéi nè Muyaánsààmù mùù ò nte kè ti ndó titòbè ke tú di n wēnnénè dimàù kémbáá Kuyie n kpéi, ³¹ kè n yenténè Sudee kó itookperí yembè. Kè Sedisadεmmu kabεε cōuté m beè tao yèè pārè. ³² Kè Kuyie ndó m bo tuakoo di cie nè diwèi, kéom̃pè sām̃pó. ³³ Kuyie nkùù duò nkuyēñnaatí kù ndi bonè dimou. Kè dè mme ndo.

16

Mudəummu

¹ N dó ke di náké kè di nyé ti tãũ Febée wèè pĩ nSānkiree Kirisi kabe tĩnnì mieke mutōmmú, ò kèróomè mme. ² Dí ò cōuté nè ti Yiè nkó diyètìrì, Kirisi kabe dò nkéncóumè betòbè, ké nhò teénnè dè ò bèkú dìi mōnnì meteèmmè. Ò teénnèmu benìtibè péu, ke n teénnè mí m mómumu.

³ N dounko Pirisiidi nè Akidaasi nè beè ti wē nke pĩ nYesu Kirisi tōmmú. ⁴ Beè kàáté mukũũ ke n dεeté. Dè í tú mĩ máà beè sántí, nè Kirisi kabe bemou ndi beè í tú Sifube. ⁵ N dounko beè tiku be cĩètè ke báá nKuyie ke dou n népo sàù Epaineti, wèè keté ke

couté Yesu Asii kó kutempē mmiēke. ⁶ N dɔunko Maari wèè pĩ mmutǎmmú mediè ndi kpéí. ⁷ Kε dɔunko Āndonnikuusi nè Sunniyaasi n ciε kǎbe, nè bè ti do wē nke kpetí, benitidiεbè mbε Yesu tǎrè miεke. Bεè n niiténè kε couté Yesu.

⁸ Kε n dɔunnènko Āmpidiyatuusi n néposàù ti Yiè nkó kucε miεke. ⁹ Kε dɔunko Udimεε wèè múnke pĩ nKirisí tǎmmú nè n népo Sitakiisi. ¹⁰ Kε dɔunko Apedesi Yesu tǎnti wèè fiíkú ti Yiè nkó kucε miεke. Nε bèè pĩ mmutǎmmú Adisitobuuri cǐètè. ¹¹ Kε dɔunko Edodiyǎ n cǐètè kou nè Nasiisi cǐètè kǎbe bèè couté ti Yiè. ¹² N dɔunko ti tǎbè Tidifenni nè Tidifoosi, bèè pĩ nti Yiè ntǎmmú nè ti tǎũ sǎawè Pedisii wèè pĩ nti Yiè ntǎmmú mediè. ¹³ Kε dɔunko Dufuusi Kuyie ntǎǎté wè nè o yǎ, wèè múnke tú n yǎ. ¹⁴ Kε dɔunko Asēnkiriti nè Fekǎ nè Edimesi nè Patirobaasi nè Edimaasi nè ti kǎbe Kirisi kǎbe bèè bε bonè. ¹⁵ Kε dɔunko Fidokǎsi nè Sudii nè Nεdee nè o tǎũ Odimpaasi nè Kirisi kǎbe bèè bε bonè.

¹⁶ Di dɔunko ditǎbè nè diwèì. Kirisi kǎbe bεmɔu di dɔunko.

Nyéne bèè ǎǎ metotímè bε kpéí

¹⁷ N kǎbe n di náámmu kε tú: Di nyé bèè ǎǎ metotímè Kirisi kǎbe cuokè bε kpéí, kε náá ntù cǎǎ kε bè fétínko. Di bè détinne dimáǎ. ¹⁸ Bè í pĩ nti Yiè nKirisí kó mutǎmmú, bè wanti bεmǎǎ kó mudii mmu. Kε ǎ nnǎǎ nnè inunaatí nè yesǎǎ, kε sǔu nKirisí kǎbe bèè í kpenke. ¹⁹ Benitibè bεmɔu yému di yiemme ti Yiè nkó tinǎǎnti. Dε n naati mεsǎǎ, n né dó di nyému mεsǎǎ nnè mεyei kε báǎ ta mεyei mmiεke. ²⁰ Kuyie nkùu duǎ nkuyennaatí kù bo duǎ nkè di cuuti dibǎǎ ké di nǎntoo bàmbà.

Ti Yiè nYesu kó mesàà ní ndi bonè.

²¹ Timòntee nè wè ti nèiti wè di dɔunko, kè n ciε kɔbe dususi nè Sasōō nè Sosipatεε kè bè múnke di dɔunko.

²² Mí nTerisuusi wèè wàri dipátíri dii, m múnke di dɔunko ti Yiè nkó mεwēnnímè miεke.

²³ Kayuusi m bàté wèè cīètè nè Kirisi kɔbe tiku dè ke báá nKuyie nè Edasiti dihei kóò dítídóúnti nè ti népo Kadituusi bè di dɔunko.

[²⁴ Ti Yiè nYesu Kirisi kó mesàà ní ndi bonè dimɔu. Kè dè mmε ndò.]

Kuyie nyètìrì ñdεu

²⁵ Ti sántí Kuyie nkùù bo na ke di kpénkùnne ku kó kucε miεke nè Tináaṅsààti n di náá ntì. Dε kó Tináaṅsààti ti náá Yesu kpéí nke, ke ti benkú timómmònti Kuyie ndo sònnε ti nè dimònni.

²⁶ Di mmònni dε kó tináaṅtì ténke í sori, Kuyie mpāānāaṅtì náam̀bè do ti nwāri. Kuyie nkùù bo sǎǎ kuù yē ti ntì nàá nyibotí imɔu kè ìi ti cɔuté ké ntì tá ke dɔori tì yēm̀m̀.

²⁷ Nè ti Yiè nYesu kó diyètìrì Kuyie nyètìrì ñdεu, kunku kùù mǎà tú mεyēm̀m̀ yìè yεbie nyεbie. Kè dè mmε ndò.

Bibiri Kuyie Nnààntì Pátíri
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16